



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Reverendi Patris Martini Stredonij Soc: Jesu

Schwertfer, Wenzel

Pragæ, 1673

Caput VI. Præclara Martini eruditio in Asceticis, per Tempus Tyrocinij
comparata ex continua applicatione, ad Virtutis & Regularum normam.

urn:nbn:de:hbz:466:1-43132

22 VITÆR. P. MARTINI STREDONII S. J.

peractis cum sacrificante modestissimè gratiis, duo sibi imperabat. Alterum, ut quia cœlesti Alimoniam pastus esset, ad obsequia & voluntatem Patris Cœlestis explendam, operando opera DEI totus incumberet; alterum, ut quia Divinâ per sacrificantis manum benedictione contactus & Cruce signatus fuisset, pugnas & bella Domini, non solùm adversus carnem & sanguinem, & adversus spiritualia nequitiae in cœlestibus, meditaretur, sed & adversus omne id quod nō fuit DEO adversari, fortiter susciperet, & constanter conficeret.

C A P U T VI.

Præclara Martini eruditio in Asceticis, per tempus Tyrocinii comparata ex continua applicatione, ad virtutis & Regularum normam.

Nactionibus ex Regula & Virtute ducendis, duo sibi Magnetis ad instar, qui sequiturque fugitque, facienda destinaverat. Observantiam & Negligentiam præ oculis habendo. illi ut mordicus adhæreret, hanc ut totus fugeret. quibus impulsibus & exercitationibus, eò fuit progressus, ut ad observantiam Regularum ac Virtutis totus,

totus, ad fugam verò negligentiarum, totissimus, quasi motibus naturalibus raperetur. Et ex hoc utroque motu in Tyrocinio constanter ac deinceps adhibito, ingentem thesaurum Asceticarum scientiarum & virtutis sibi comparavit. Quantiditatem illis, qui velut tabulas quidem lœvatas & utcunque pictas, ex ordinariis commodè factis, se circumferunt, sed vix amplius præter complanationem & polituram admittunt, neque aliud dum in se ipsos redeunt, quam se vident, sicut in glabro speculo fieri amat. Quod sanè Observantia fastidit, quæ non contenta otio illo nitoris, adeo scalprum desiderat, vel adhibet, ut Christi Crucifixi, vel insignium Sanctorum speciæ in se velit representari. Quam gloriose Icones in Tablino Christi reperirentur! quæ per neglectum seriarum applicationis, nitent quidem quoad vivunt, in substantia, sed penè glabrae! nihil singulare, nihil nobile, nullum pro gloria DEI (violentiarum sibi factarum) vulnus insculptum! O rasæ tabulæ! ante quorum oculos Christus, quem exprimere oportebat, præscriptus & præsculptus est, non utique perfunctoriè ac negligenter, sed ad eam observantiam, quæ rigori Justitiae, voluntati Patris, liberalissimæ acceptationi Filii, & conformibus primogenitæ Imagini ectypis præluceret!

Quale scalprum Observantiarum, Martinus
adhi-

24 VITÆ R.P.MARTINI STREDONII S.J.

adhibuerit edisce. Per totum Tyrocinium (imò & vitam reliquam) tantus erat illius amator, quantus aversator & osor negligentiae. quam quidem non minùs quam pestilentiam detestabatur ac refugiebat. Sectatorum ejus consortia ità declinans, ut pestiferâ lue infectorum contagia solent declinari. Si quis ex eo vel Bona statûs, vel conjunctæ cum officiis observantiae commoda, aut ejusdem neglectæ incommoda educere voluisset, finem hauriendi non inveniebat. Siquidem in tanta copia & abundantia, ex capacissima, fidelissimâque ejus memoria jucundissimo fluxu trahebantur, ut ipse Tyrocinij Magister dubitaret, ex suâne traditione, an ex omnium Ascetarum exhaustis scriptionibus, an magis ex ordinatis Divinâ manu in Tyrone hoc fontibus, flumina illatanta profilirent! Cui & illud non minorem movebat admirationem, quod totam illam pertotum Tyrocinij tempus biennale, à se traditam doctrinam Asceticam, tam compendiosè ascitè in paucas sequentes Gnomas, Pythagoricis Symbolis respondentes, contraxisset. in has nimirum.

Statum vendibilem non facito. Officiis radiis. Votis minuta nè accidito. Regula sine rima affigitor. Callibus attritis incedito. Præpositis volucris esto. Influentias nè oppugnato. Sinè confi-

C A P U T VI. 25

consiliis audeas nihil. Exem^ptis ditesce. Observantiā animare. Nosocomium malorum nē ingreditor, &c.

Per *Primam* significans, pro nullare mundi, nec ad ullius creaturæ instantiam, determinati sibi à DEO statūs, commutationem tantam esse, neque ab eo quidquam esse alienandum, neque ferendum ullo modo ut ei inconveniens quocunque & undecunque affigatur. Per *Alteram* innuens tantam Officiorum copiam, eoque modo Religiosum quemque debere ex se profundere, quantam & quomodo corpus solare profundit plenitudinem radiorum; & ut nullum hujus punctum ullo tempore cessat ab illuminatione, ita nulla particula Vitæ Religiosi, nullumve momentum vacare debet, à commendabili exhibitione officii. Votorum integritati ita per *Tertiam* consultum fore indicabat, si eorum perfectio non quo ad substantialia solum curaretur, sed minutissimis etiam complementis ornaretur: adeoque non solum integrum corpus holocausti in eis DEUS odoraretur, sed mactum etiam & instrumentum omnibus acceptabilibus condimentis. Rimam inter Regulam & Regulatum eorum imperfectionem appellabat, qui se per obsequium solius externi operis sine adjunctione mentis, Regulæ applicarent. in Psalmodia v.g.

D

labijs

26 VITÆ R.P. MARTINI STREDONII S.J.

labijs DEUM honorarent, corde ab eo longissimè remoto; inter legendum pronunciarent verba, & non descenderent ad sensa; inter agenda, alia agerent omnia & cum virtute, ac religiosè nihil peragerent. Consuetudines approbatas *callibus attritis* æquiparabat. Velocitatem verò in obediendo Superiorum Mandatis commendabat, cùm sibi, ut *volucris* esset, injungebat. *Per influencias*, Inspirationes Divinas, venerandas, & avidis animæ sensibus excipendas, intelligebat. Consiliorum autem licet semper magnam necessitatem esse non negaret: tunc tamen censebat esse maximam, cùm ad majora vehementius voluntas inflammata, ad ministeria evocaret audaciam: vel nimio plus exacerbata ad desperationem prospectaret. Lucrosam per exempla negotiationem ità explicabat: Si inquit bona advertero, & viâ Imitationis in me transtulero, præsens est lucrum. Si mala conspexero, & similia designare renuero, cessabit damnum emergens. Iterumque si bono pro meritis honorem habuero, malum, verò fuero aversatus, utroque simul nomine mihi augebitur pensio honestatis. Quod Observantiam, Religiosi animam vocitaret, id ideo videri causabatur, quia hac inditâ ac præsente, Actus vitæ Religiosæ se se ostentarent; sinè ea verò Religiosus, exanime cadauer videretur,

qui

C A P U T VII. 27

qui aliquam officij partem vel brevi aliquo tempore non præstitisset, aut longiori omisisset, aut omnino cessare ab omni officio præstando, incepisset.

C A P U T VII.

Quo spiritu manuales labores in
Tyrocinio exerceri solitos , peregerit?

Quomodo Lectionem sacram instituerit?

Consuetudo est in Tyrocinio
Societatis (quanquam & in reliqua
vita dum vires corporis & occupa-
tiones usque ad senectam ultimam
admittunt) ut Antiquorum Ascetarum mo-
re, cursus orationis & studiorum, labore aliquo
interpoletur, sive ad tedium ex uno actionis
genere tollendum, sive ad distrahendum &
exercendum corpus, sive denique ad humili-
tatis exercitium. In Societate nostra, etiam à
gravissimis viris dum vires & negotia tolerant,
non tantum verrere cubicula decōrum, sed e-
tiam præscriptum usus habet. lances & vilissi-
ma quæque vir gravis obibit, in culina & alibi

D₂ foli